

Dogri News Bulletin, 23 April. 2026

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

1. लेफ्टिनेंट गवर्नर मनोज सिन्हा होरें नगरोटा च स्वामी प्रणवानंद विद्यामंदिर दी नमीं स्कूली ईमारत दा उद्घाटन करदे होई विद्यार्थिं ते अध्यापकें गी राष्ट्र निर्माण च योगदान देने दी गुजारश कीती।
2. शिक्षा मंत्री सकीना इत्तू होरें आखेआ ऐ जे भाशां ना छड़ा अभिव्यक्ति दा जरिया न, सगुआं स्हाड़े इतिहास, पंछान ते संस्कृति दा संरक्षण करने आली बी ऐ।
3. जंगलात मंत्री जावेद राणा होरें पर्यावरण सरबंधी सैलसफा ते सैलतन सरबंधी ढांचे गी बढ़ावा देने दे मकसद कन्नै बटोत च सिटी फारेस्ट पार्क दा उद्घाटन कीता।
4. जम्मू च नशा तस्करें दे खलाफ इक बड्डी कार्रवाई दे तैहत जिला प्रशासन नै नशे दे कारोबार दी काली कमाई कन्नै बनाई गेदी 3 ईमारतें गी अज्ज ढहाई दिता ऐ।
5. उधमपुर, कठुआ ते किशतवाड़ जिलें च सिविल डिफेंस मॉक ड्रिल अभ्यास दे तैहत ब्हाई हमलें दरान बज्जने आले सायरनें दी परख ते बत्तियां स्हालियै कीते जाने आले ब्लैकआउट दा अभ्यास बी कीता जाह्गा।

<><><><><><>

LG-Vidyamandir

लेफ्टिनेंट गवर्नर मनोज सिन्हा होरें अज्ज नगरोटा च स्वामी प्रणवानंद विद्या मंदिर दी नमीं स्कूली ईमारत दा उद्घाटन कीता। इस मौके पर बोलदे होई एल.जी सिन्हा होरें विद्यार्थिं ते अध्यापकें गी गुजारश कीती जे ओहू राष्ट्र निर्माण च जोगदान देने दे कन्नोकन्नी अज्जै दे बदलदे वैश्विक म्हौल स्हाबै क्लासें गी बदलने ते भारत गी

दुनिया दी इक अगुआ ज्ञान आधारित अर्थ बवस्था बनाने च बी टकोह्दी भूमिका निभाना। उनें आखेआ जे असेंगी विद्यार्थिं अंदर सांस्कृतिक जागरूकता गी मजबूत करना होग गी मजबूत करना होग कीजे अनेकता च एकता गै आलमी सतह दे समाज गी परिभाषित करदी ऐ। एल.जी होरें विद्यार्थिं गी साफ ते स्पष्ट ढंग्गै नै अपनी गल्ल आखने लेई गल्लबात आले कौशल गी बढ़ावा देने दी अपील कीती तां जे नमीं पीढी जिंदगी बेहतर बनाने दे कन्नोकन्नी लोकतांत्रिक मुल्लें-कदरें गी बी बरकरार रक्खे ते इक खुशहाल जम्मू-कश्मीर दे निर्माण लेई रलियै कम्म बी करै। श्री सिन्हा होरें अज्ज नगरोटा दे धम्मी इलाके च स्थित सर्व शकित चंडी माता मंदरै दे स्थापना दिवस आले कार्यक्रमै च हिस्सा लैता। इस मौके पर उनें मंदरै च मत्था टेकेआ ते सबनें लेई रमानदारी, खुशहाली ते कल्याण दी कामना कीती।

<><><><><><>

Itoo-Urdu

शिक्षा मंत्री सकीना इत्तू होरें आखेआ जे भाशा अपने विचारें गी प्रगट करने दा माध्यम गै नेई ऐ, सगुआं इतिहास, पंछान ते संस्कृति दी संरक्षक बी ऐ। एहू गल्ल मंत्री होरें जम्मू यूनिवर्सिटी च उर्दू भाशा दे खेत्तरीय भाशा कन्नै रिश्तें बारै आयोजित इक रोजा सेमीनार गी संबोधित करदे होई आक्खी। उनें आखेआ जे एहू छड़ा इक औपचारिक कार्यक्रम नेई ऐ, सगुआं साहड़ी पंछान दा प्रतिबिंब ऐ।

<><><><><><>

Rana City Forest

जंगलात ते पर्यावरण मंत्री जावेद राणा होरें अज्ज रामबन दे बटोत इलाके च सिटी फारेस्ट पार्क दा उद्घाटन कीता। खित्ते च पर्यावरण दे मुआफक सैलसफा गी बढ़ावा देने ते सैल्ले ढांचे गी तगड़ा बनाने दी दिशा च इसी इक्क महत्वपूर्ण गैहू मन्नेआ जा'रदा ऐ। जम्मू-कश्मीर दे जंगलात मैहकमे आसेआ विकसित एहू सिटी फारेस्ट पार्क कोई 12 कमांहू शा मते रकबे च फैले दा ऐ ते एहूदे पर अंदाजन कोई 62 लक्ख रपे खर्च कीते गेदे ना। इस पैहलकदमी दा मकसद मकामी लोकें ते सैलानिं लेई मनोरंजन आली इक सैल्ली थाहू कायम करना ते पर्यावरण सरबंधी जागरूकता पैदा करना ऐ। इस मौके पर किट्टु अग्गे भाशण दिंदे होई राणा होरें पर्यावरण दे म्यार च बेहतरी लेई शैहरी इलाकें च सैलतन आली थाहू विकसित करने दी जरूरतै पर जोर पाया।



Prog. Announcement

राश्ट्रीय पंचैती राज ध्याडे दे सिलसिले च आकाशवाणी दा क्षेत्रीय समाचार एकांश जम्मू कल शुक्रवारें 24 अप्रैल 2026 गी दिनें 12 बजे इक विशेष गल्लबात प्रसारत करने जा'रदा ऐ। गल्लबात दा विशे रौहग 2047 तगर विकसित भारत लेई विकसित पंचैत बनाने गितै विकास लक्ष्य। इस विशेष कार्यक्रम च स्थाडे परौहने होंगन ग्रामीण विकास ते पंचैती राज विभाग, जम्मू-कश्मीर सरकार दे अतिरिक्त सचिव वसीम राजा जेह्दे इस विशे पर अपने माहिराना

विचार सांझे करडन। एह कार्यक्रम कल शुक्रवारें दिनें 12 बजे स्थाडे इसै चैनल, मीडियम वेव 303 मीटर यानि 990 किलोहर्टज ते एफ.एम 100 इशारिया 3 मैगाहर्टज पर।



Crackdown-Drug

नशा तस्करें दे खलाफ इक बड्डी कार्रवाई गी अंजाम दिंदे होई पुलस ते जिला प्रशासन दी इक सांझी टीम नै नरवाल इलाके दे राजीव नगर च इक बड्डी अभियान चलाइयै नशे दे कारोबार थमां हासल पैसे कन्नै बनाई गेदी गैर कनूनी संपत्तिएं गी ढहाई दित्ता ऐ। जम्मू साउथ दे एसडीएम मनु हंसा हुंदे निर्देशें पर कार्रवाई करदे होई इस अभियान तैहत 3 गैर कनूनी मकानें गी तबाह कीता गेआ ऐ। अधिकारिए मूजब एह त्रवें मकान नशे दे गैर कनूनी धंधे दी कमाई कन्नै बनाए गेदे हे। इस कार्रवाई दे दरान जम्मू-कश्मीर पुलास दिआं टीमां उत्थे मजूद हिआं। इस बारै होर ब्यौरे सांझे करदे करा'रदे न एसडीएम साउथ जम्मू मनु हंसा



Mock-Drill

आपात तैयारिएं सरबंधी उपाएं दे इक हिस्से दे तौरा पर उधमपुर च कल सिविल डिफेंस मॉक ड्रिल यानि अभ्यास, ब्हाई हमले दरान बज्जने आहले सायरनें दी परख ते सारी बत्तियां स्हालियै कीते जाने आले ब्लैकआउट दा बी अभ्यास कीता जाहगा। मॉक ड्रिल आले इस अभ्यास गी बवस्थित ढंगै सिर जकीनी बनाने लेई प्रशासन नै लोकें गी जागरूक बनाने, साज-समेयान मतल्लक बंदोबस्त करने ते मैहकमें बश्कार तालमेल दी जरूरतै पर जोर पाया ऐ। बसनीकें गी सलाहू दित्ती गेई ऐ जे ओहू घाबबरन नेई, अधिकारिक दिशा-निर्देशों दी पालमा करन, प्रशासन गी सहयोग देन ते अफवाहीं फैलाने कोला बी बचन। तोआई, कठुआ ते किशतवाड़ जिले च बी अज्ज इस्सै किस्मे दे मॉक ड्रिल दा सरिस्ता कीता जा'रदा ऐ।

<><><><><><>

Crackdown-Overcharging

आम लोकें दिएं शकैते पर पुंछ जिला प्रशासन आसेआ सख्त कार्रवाई शुरू कीती गेई ऐ। दुकानदारें, कम्प्यूटर आपरेटर्स, सी.एस.सी ते स्टाम्प ड्यूटी आहले बगैरा आसेआ बाद्दू रकम वसूले जाने बारै शकैत कीती ही। इनें शकैते पर कार्रवाई करदे होई जिला मैजिस्ट्रेट पुंछ अशोक कुमार शर्मा हुं'दे आसेआ विशेष जांच टीम दा गठन कीता गेआ। टीम दी अगुवाई अडिशनल कलेक्टर रेव्यू आसेआ कीती गेई।

<><><><><><>

Prog. Announcement 25 April

विश्व मलेरिया दिवस दे सिलसिले च आकाशवाणी दा क्षेत्रीय समाचार एकांश जम्मू औंदी 25 अप्रैल 2026 गी दिनें साड्डे 12 बजे इक विशेष गल्लबात प्रसारत करने जा'रदा ऐ। गल्लबात दा विशे रौहग जागरूकता गै बचाऽ ऐ, किट्टे रलियै मलेरिया खलाफ लडो। इस विशेष कार्यक्रम च स्हाडे परौहने होडन जम्मू-कश्मीर सेहत विभाग च मलेरिया दी रोकथाम सरबंधी सीगे दे प्रमुख स्ट्रेट मलेरियालॉजिस्ट डॉ. रितेश खुल्लर, जेहडे इस विशे पर अपने

माहिराना विचार सांझे करडन। एह कार्यक्रम औंदे शनिवारें दिनें साड्डे 12 बजे स्हाडे इस्सै चैनल, मीडियम वेव 303 मीटर यानि 990 किलोहर्टज ते एफ.एम 100 इशारिया 3 मैगाहर्टज पर प्रसारित कीता जाह्ग।

<><><><><><>

Weather

मौसम विभाग आसेआ दिती गेदी जानकारी मुजब जम्मू-कश्मीर च अप्रैल म्हीने दे अखीरै धोड़ी मौसम आमतौरा पर खुशक रौहग- उआं किश टांवी-टांवी थाहरें पर हल्की कन्नी-कनोत होई सकदी ऐ। अज्ज ते कल तापमान सामान्य कोला 4 डिग्री तगर उप्पर जाई सकदा ऐ। उआं 24 कोला 25 अप्रैल तोड़ी जम्मू खित्ते च केई थाहरें अंधी-झक्खड झुल्लने ते हल्की बरखा दे बी असार न। ओहदे बाद 26 कोला लेइयै 28 अप्रैल तगर मौसम परतियै खुशक बने दा रौहग ते मगरा 29 ते 30 अप्रैल गी किश टांवी-टांवी थाहरें हलके कोला दरम्याने दर्जी दी बरखा दे असार दस्से गे न।
